

Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
SARAJEVO

Bosnia and Herzegovina
Federation of Bosnia and Herzegovina
FEDERATION MINISTRY OF INTERNAL AFFAIRS
SARAJEVO

PLAN RADA
FEDERALNOG MINISTARSTVA UNUTRAŠNJIH POSLOVA -
FEDERALNOG MINISTARSTVA UNUTARNJIH POSLOVA
ZA 2011. GODINU
(SAŽETAK)



Zakonom o federalnim ministarstvima i drugim tijelima federalne uprave i Zakonom o unutrašnjim poslovima Federacije BiH utvrđeni su poslovi iz nadležnosti Federalnog ministarstva unutrašnjih poslova vezani za:

- sprečavanje i otkrivanje krivičnih djela terorizma, međukantonalnog kriminala, stavljanje u promet opojnih droga i organiziranog kriminala, te pronalaženje i hvatanje učinilaca tih krivičnih djela i njihovo privođenje nadležnim organima;
- osiguranje određenih ličnosti i zgrada Federacije Bosne i Hercegovine;
- školovanje, stručno osposobljavanje i usavršavanje;
- državljanstvo Federacije Bosne i Hercegovine.

U sastavu Federalnog ministarstva nalazi se Federalna uprava policije, koja obavlja poslove iz nadležnosti Federalnog ministarstva i koja priprema program svoga rada i dostavlja ministru na usvajanje.

U okviru obavljanja poslova iz svoje nadležnosti Federalno ministarstvo će neposredno provoditi federalnu politiku i izvršavati federalne zakone iz okvira svoje nadležnosti i o tome blagovremeno izvještavati Vladu Federacije i Parlament FBiH.

Prioritet u radu Federalnog ministarstva unutrašnjih poslova u 2011. godini bit će provođenje strateških aktivnosti na planu borbe protiv organiziranog kriminala, provođenja kriminalističkih obrada u vezi sa krivičnim djelima s elementom organiziranosti i međukantonalne povezanosti. Posebna pažnja bit će posvećena izvršavanju zakonskih nadležnosti u smislu sprečavanja i otkrivanja krivičnih djela organizovanog kriminala, terorizma, neovlaštene proizvodnje i stavljanja u promet opojnih droga i svih oblika kriminaliteta sa karakteristikom međukantonalne povezanosti. Preduzet će se sve potrebne aktivnosti na uspostavljanju boljih mehanizama suradnje policije i tužilaštva.

Stalan zadatak je očuvanje stabilnog javnog reda i mira, pri čemu je naglasak na mjerama prevencije i zaštite. Nastavit će se sa preduzimanjem strateškim aktivnosti na polju sigurnosti drumskog saobraćaja kako bi u narednoj godini bio smanjen broj smrtno stradalih u saobraćaju.

Program rada za 2011. godinu sadrži poslove i zadatke iz djelokruga rada Ministarstva unutrašnjih poslova koji su utvrđeni zakonima i drugim propisima te predstavlja osnovu za donošenje mjesečnih, tromjesečnih, polugodišnjih i godišnjih planova rada organizacijskih jedinica Ministarstva i istovremeno sadrži mjere i radnje koje Ministarstvo unutrašnjih poslova u cjelini planira preduzeti radi osiguranja i jačanja zakonitosti i odgovornosti Ministarstva u izvršavanju svojih funkcija, kao i konkretne poslove i zadatke na unapređenju svoje organizacije, metoda i sadržaja rada.

Tokom godine program će biti prilagođavan i dopunjavan aktivnostima koje će proizlaziti iz zahtjeva koje će postavljati nadležni zakonodavni i državni organi BiH i Federacije BiH te zadaci koji će proizlaziti iz obaveza u oblasti reforme policije, kao i obaveza saradnje sa međunarodnim organizacijama prisutnim u BiH, prije svega s: EUPM-om, EUFOR-om, OHR-om, EK-om, UNDP-jem i dr. te obaveza koje proizlaze iz MAP-a (ulazak u NATO), a koji se direktno odnose na Federalno ministarstvo unutrašnjih poslova.

Kada je u pitanju reforma policije u Bosni i Hercegovini, ovo ministarstvo će se zalagati da se procesi reformiranja policijskih struktura odvijaju u skladu sa principima EU, postignutim sporazumom u 2008. godini, principima visoke profesionalizacije i standardizacije policijskih poslova.

Istovremeno, ovo ministarstvo će insistirati da se putem nadležnih organa na adekvatan način riješe i eventualna pitanja vezana za broj policijskih, državnih službenika i namještenika, usko sarađujući s organizacijom Sindikata službenika FMUP-a, u skladu s evropskim standardima o broju policijskih, državnih službenika i namještenika u odnosu na broj stanovnika i procjene aktuelne sigurnosne situacije.

U 2011. godini u oblasti unutrašnjih poslova predviđeni su sljedeći zadaci u oblasti normativnog dijela, podrške projektima, programima i ostale aktivnosti:

OPIS	ROK
NORMATIVNI DIO	
ZAKONI	
- Zakon o izmjenama i dopunama Zakona o agencijama i unutrašnjim službama za zaštitu ljudi i imovine	treći kvartal
- Zakon o ličnom imenu	treći kvartal
- Zakon o izmjenama i dopunama Zakona o državljanstvu Federacije BiH	treći kvartal
- Zakon o prijevozu opasnih materija – inicijativa Federalne uprave policije	
- Prijedlog zakona o izmjenama i dopunama Zakona o policijskim službenicima Federacije Bosne i Hercegovine	u proceduri usvajanja
- Prijedlog zakona o privatnim detektivima u Federaciji BiH	u proceduri usvajanja
- Nacrt zakona o unutrašnjim poslovima FBiH	u proceduri usvajanja
PODZAKONSKI AKTI	
- Uredba o izmjenama i dopunama Uredbe o mjerama finansijskih institucija (Zakon o agencijama i unutrašnjim službama za zaštitu ljudi i imovine)	treći kvartal
- Pravilnik o unutrašnjoj organizaciji Federalnog ministarstva unutrašnjih poslova	
- Pravilnik o tehničkim normativima za zaštitu od požara i eksplozija	prvi kvartal
- Pravilnik o sadržaju i načinu vršenja poslova inspeksijskog nadzora nad provođenjem mjera zaštite od požara u pravnim licima i drugim institucijama u privatnom i državnom vlasništvu	treći kvartal
- Pravilnik o izboru i održavanju aparata za gašenje početnog požara i o određivanju aparata koji se mogu stavljati u promet	treći kvartal
PROJEKTI I PODRŠKA PROJEKTIMA I PROGRAMIMA	
- Planirani projekti FMUP-a za period 2009.-2012. godina kojim se podržava implementacija Akcionog plana za provođenje mjera iz dokumenta "Polazne osnove strategije sigurnosti drumskog saobraćaja	

<p>2008.-2013. godina”:</p> <ul style="list-style-type: none"> - obilježavanje Sedmice globalne sigurnosti saobraćaja u svijetu; - provođenje kampanje uoči turističke sezone i sezone godišnjih odmora na poštivanje saobraćajnih propisa u Federaciji BiH; - organiziranje okruglog stola o temi “Stanje sigurnosti drumskog saobraćaja u FBiH i osnovni uzroci za prvih 9 mjeseci u 2011. godini”; - nabavka materijalno-tehničkih sredstava za potrebe Federalne uprave policije i kantonalnih ministarstava unutrašnjih poslova (alko-testeri, testeri za droge, radari i drugi materijali za obradu slučajeva iz oblasti saobraćajnih prekršaja). 	<p>april</p> <p>maj, juni</p> <p>oktobar</p> <p>novembar</p>
<ul style="list-style-type: none"> - Organizaciono, materijalno-tehničko i kadrovsko jačanje policije u borbi protiv organiziranog kriminala 2010.-2012. godine: - provođenje naučnog istraživanja organiziranog kriminala; - provođenje specijalističke obuke na Policijskoj akademiji – seminari „Borba protiv organiziranog kriminala”; - nabavka savremene operativne kriminalističke tehnike za potrebe borbe protiv organiziranog kriminala; - medijska kampanja. 	<p>drugo i treće tromjesečje</p>
<ul style="list-style-type: none"> - Aktivnosti na izdavanju biltena Ministarstva 	<p>Tromjesečno</p>
<ul style="list-style-type: none"> - Edukativni projekti: - „Rad policije u zajednici“, - „Borba protiv zloupotrebe droga“, - „Maloljetnički kriminalitet“. 	
<p>Izdavačka djelatnost:</p> <ul style="list-style-type: none"> - tokom 2011. godine kontinuirano će se raditi na poslovima izdavačke djelatnosti u skladu sa Zakonom o izdavačkoj djelatnosti. 	<p>Kontinuirano</p>
<ul style="list-style-type: none"> - Nastaviti Program razvoja Policijske akademije. 	
<ul style="list-style-type: none"> - Kontinuirani rad Policijske akademije FMUP-a na obuci polaznika-kadeta na visokom stručnom, informacionom i profesionalnom nivou, kao i stručno osposobljavanje i usavršavanje službenika policije kroz kurseve, seminare itd. 	<p>Kontinuirano</p>
<ul style="list-style-type: none"> - Podrška projektu “Uspostava boljih mehanizama saradnje policije i Tužilaštva”. 	<p>Kontinuirano</p>
<ul style="list-style-type: none"> - Provođenje Plana operativnih aktivnosti Federalne uprave policije i organizacionih jedinica za 2011. godinu u izvršavanju zakonskih obaveza: (stvaranje sigurnog okruženja, smanjenje stope kriminaliteta, jačanje zakonitosti u radu u cilju održavanja povjerenja javnosti u vladavinu zakona). 	
<p>ANALIZE</p>	
<p>Analiza radnih mjesta zaposlenika Federalnog ministarstva unutarnjih poslova radi uspostavljanja racionalne i efikasne organizacione strukture Ministarstva.</p>	

Iz širokog opisa poslova koji su predviđeni programom rada FMUP-a i FUP-a za 2011. godinu mogu se, između ostalog, izdvojiti sljedeće ostale aktivnosti:

- Provođenje federalne politike iz oblasti unutrašnjih poslova kao i provođenje odluka koje donese Vlada FBiH i Vijeće ministara BiH;
- Sagledavanje sigurnosne situacije, predlaganje i donošenje mjera na njenom poboljšanju;
- Otvorenost i saradnja sa medijima i otvorenost i transparentnost svih segmenata

- sigurnosnih akcija prema građanima;
- Aktivnosti na stvaranju povoljnijeg pravnog okvira za djelovanje organa unutanjih poslova kroz donošenje zakona i podzakonskih akata;
 - Organizaciono, materijalno-tehničko i kadrovsko jačanje Ministarstva za obavljanje svojih funkcija kao i policije u borbi protiv organiziranog kriminala 2010.-2012. godina te stručno usavršavanje kadrova policijskih agencija i agencija za zaštitu ljudi i imovine;
 - Jačanje instrumenata demokratske kontrole rada policije-praćenje realizacije kao i kontrole nad radom agencija za zaštitu ljudi i imovine;
 - Realizacija aktivnosti iz oblasti pristupnih pregovora s EU iz oblasti unutrašnjih poslova;
 - Obilježavanje značajnijih datuma i događaja;
 - Aktivna saradnja na planu međunarodnih odnosa u oblasti saradnje policijskih agencija na planu sprečavanja transnacionalnog kriminala na području Balkana i šire, kao i saradnja sa predstavnicima međunarodne zajednice (EUPM, OHR, EUFOR, evropske komisije itd.);
 - Obavljanje informaciono-dokumentacionih poslova za potrebe Ministarstva kao i informatičko uvezivanje sa kantonalnim ministarstvima;
 - Pružanje podrške u radu Uredu za pritužbe javnosti;
 - Priprema analitičko-informativnih materijala radi informisanja Vlade FBiH o stanju sigurnosti na području FBiH i pitanjima saradnje i međusobnog uvezivanja u radu kantonalnih policija i FUP-a na otkrivanju počinitelja krivičnih djela za koje je nadležna FBiH;
 - Uspješnije djelovanje Odjela za borbu protiv terorizma, u prvom redu, preventivno djelovanje kao i pravovremeni odgovor na eventualne terorističke akte, a u skladu sa programom rada FUP-a i važećim zakonskim propisima;
 - Kontinuirani rad Odjela za borbu organiziranog i međukantonalnog kriminala na praćenju i izučavanju stanja, pojavnih oblika organiziranog kriminala iz oblasti imovinskih, krvnih delikata i nedozvoljene trgovine ljudima, seksualnih delikata, maloljetničke delikvencije i nasilja u porodici, dječije pornografije, itd.;
 - Prikupljanje podataka i dokumentacije o počinjenim krivičnim djelima protiv čovječnosti i vrijednosti zaštićenih međunarodnim pravom, lišavanje slobode lica optuženih pred Međunarodnim krivičnim sudom za bivšu Jugoslaviju, a u saradnji sa Državnom agencijom za istrage i zaštitu BiH i Obavještajno-sigurnosnom agencijom;
 - Aktivnosti na provođenju smjernica i ciljeva iz Akcionog plana i Strategije za borbu protiv korupcije u BiH (2009.-2014.), sa posebnom pažnjom prema pojavi raznih oblika pranja novca i finansiranju terorističkih organizacija;
 - Borba protiv kompjuterskog kriminala na osnovu Konvencije Vijeća Evrope o kompjuterskom kriminalu iz 2001. godine.